


KOMMUNIMUT PILERSAARUMMUT TAPILUSSAQ 1A20-1

Qatannugitiinnguit pingasut, Nuuk

Juuni 2018



KOMMUNEQARFIK **SERMERSOOQ**
Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliusseq sunaava?

Kommunimut pilersaarusionerq ingerlaavartumik suliarineqartarpoq, taamaattumillu kommunalbestyrelse Pilersaarusioneremut inatsit (Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq) naapertorlugu pisariaqartillugu kommunimut pilersaarutip iluarsisarnissaanut pisussaaffeqarpoq. Iluarsisarneq taanna kommunimut pilersaarummut tapiliussamik pilersaarummut allannguutit attuumassuteqartut imaluunniit ilanngussassat ilanngullugit, ingerlaavartumik suliaqarnikkut ingerlanneqartarpoq

Kommunalbestyrelse taamaalilluni sukkulluunniit kommunimut pilersaarummut tapiliussamik, nunaminertat atorneqarnerannut illuliornernullu aalajangersakkanik erseqqinnerusunik ilaqartumik, suliaqarnermik aallartitsisinnaavoq. Taamaattoq kommunalbestyrelse tamatuma saniatigut kommunimut pilersaarummut tapiliussamik sukumiisunik aalajangersagartallimmik suliaqarnissamut pisussaaffeqarpoq:

- Nuna tamakkerlugu pilersaarusionerup kommunillu pilersaarusionerata piviusunngortinnissaanut qulakkeerinissaq pisariaqaraangat.
- Sanaartugassanut imaluunniit illuliornernut annerusunut pingaaruteqartunulluunniit nunaminertamik atugassiinnginnermi.
- Illunik annertunerusunik imaluunniit pingaaruteqartunik isaterinnginnermi.

Kommunimut pilersaarummut tapiliusseq marlunnik immikkoortortaqaarpoq, **nassuiaatinut immikkoortoq** aamma **aalajangersakkanut immikkoortoq**.

- **Nassuiaatinut immikkoortoq** pilersaarutip siunertaanut aamma inatsisitigut sunniuteqarneranut, aammalu pilersaarummi sumiiffimmut allatigut pilersaarusioneremut isummertoqarnerasoq, nassuiaatinik imaqaarpoq.
- **Aalajangersakkanut immikkoortoq** aalajangersakkanik pilersaarusionerup piviusunngortinneqarneranut atatillugu malinneqartussanik, imaqaarpoq. Aalajangersakkat aalajangersakkanut pingaarnernut aammalu aalajangersakkanut sukumiisunut agguagaapput. Aalajangersakkat tamarmik inatsisitigut pisussaaffiliipput, taamaattoq piunasaqaatit aalajangersakkat atuutsillugit, aalajangersakkat sukumiisut saneqqunneqarnissaat akuerineqarsinnaavoq. Tamatuma saniatigut aalajangersakkanut immikkoortoq nunap assinginik ilanngussanik pisussaaffiliisunik imaqaarpoq.

Tamanut saqqummiineq


Kommunimut pilersaarummut tapiliusseq 13.06.2018-miit atuutilersussatut tamanut nalunaarutigineqarpoq

Pilersaarusiaq sumi atuarneqarsinnaava?

Pilersaarut Nunatta Atuagaateqarfiani imaluunniit kommunip nittartagaani www.sermersooq.gl atuarsinnaavat aamma kommunip innuttaasunut sullissiviani imaluunniit Sanarfineremut Avatangiisinullu Ingerlatsivimmut, Kuussuaq 2, 3900 Nuuk, oqarasuaat 36 74 31, saaffiginnikkut tunniunneqarsinnaavoq.

IMAASA ALLASSIMAFFIAT

1	NASSUIAAT	4
1.1	SUMIIFFIK PILERSAARUSIORFIUSOQ	4
1.2	SIUNERTAQ	4
1.3	PISSUTSIT PIOREERSUT	5
1.4	PILERSAARUSIORNERMI PINGAARNERIT	6
1.5	PILERSAARUSIORNERNUT ALLANUT TUNNGASUT	11
1.6	PILERSAARUMMUT TAPILIUSSAP INATSISITIGUT SUNNIUTEQARNERA14	
2	AALAJANGERSAKKAT	16
3	AKUERINEQARNERANI ATSIORNERIT	211
	ilanngussaq 1: Sumiiffiup ilaa aamma pissutsit pioreersut	23
	ilanngussaq 2: Sumiiffiup ilaa aamma sanaartorfissaq	24
	ilanngussaq 3: Titartakkanut pilersaarut	25
	ilanngussaq 4: Qalipaatinut pilersaarut	26



ilusiliaq 1: nunap
assinganit

1 NASSUIAAT

1.1 SUMIIFFIK PILERSAARUSIORFIUSOQ

Sumiiffimmut killiliussaq 1A20-1

1.2 SIUNERTAQ

Kommunimut pilersaarummut tapiliussaq Inatsisartut inatsisaat nr. 34, 9 dec. 2015-imeersoq naapertorlugu 1. jan. 2016 pilersinneqarpoq, tassani § 45 a, Kommunalbestyrelse siunnersuut suliarineqartoq tunngavigalugu nunaminertamik ukiut marluk tikillugit inniminniisinaanissamut periarfissaqarpoq aammalu qinnuteqartup nunaminertamik inniminniisissamut akuerineqareernermini, qinnuteqartoq nammineq akilikkaminik kommunimut pilersaarummut tapiliussamik pilersitsisussaalluni.

Kommunimut pilersaarummut tapiliussami matumani MT Højgaard-ip Suliniutaa: Qatannutigiinnguit Pingasut – Nuummi inissiat, kommunalbestyrelsimit ulloq 10.04.2018 inaarutaasumik akuerineqartussatut naatsorsuutigineqartoq, aallaavigineqarpoq.

Suliniut naatsorsuutigineqarsinnaanngitsunik pissuteqartumik piviusunngortinneqarsinnaassanngippat, nunaminertat kommunimut utertinneqassapput, taamaalilluni sumiiffiup siunertaq malillugu ineriartortinneqarnissaa qulakkeerneqassalluni.

Pilersaarummi siunertaavoq inissialiornissamut periarfissiinissaq, siunertat pingaarnerit tassaapput

- Inissiaqarfimmik inissaqarluartumik malunnaatilimmillu illut isikkoqartillugit pilersitsinissaq.
- Inissiaqarfimmik assigiinngisitaartunik inissiat angissuseqartillugit piginnittoqartillugillu pilersitsinissaq kiisalu illut akornanni illoqannginnersani sukisaarsaarluni sammisaqarnissamik qulakkeerinissaq.
- Illut akornanni qaammaqqusersuinikkut, ujaqqanik pinngortitameersunik qiperugarpalaartunik naatitsivissanillu ikkussuinikkut inoqarfippalaartumik pilersitsinissaq.
- Ujaraaqanik aqqusineq pioreersoq, sumiiffiup ilaata avannaaniittoq, sumiiffimmut pingaarnertut aqqutaasussatut inissianut aqqusinngorlugu nutarterneqarnissaa.

ilusiliaq 2:
ilusiliussat assingat
assigiiaartumik
ilusaat
oqaatigineqarsinnaa
llutik aammalu
tulluurtumik
qalipaasersorneqarl
utik inissiarsuit
pingasut taakkua
illut akornanni
illoqarfimmut
ilaassapput.



1.3 PISSUTSIT PIOREERSUT

Killilersorneqarnera

Sumiiffiup ilaa Svend Jungep Aqqutaanit aamma Aggusinersuup kitaani qaqqajunnamiit killissalersugaavoq. Sumiiffiup sanianiittup ilaa tassaavoq kujammut kimmut illoqarfiup qeqqa 1C24, kujammut kangimut inissiaqarfik 1A19 aammalu avannamut illoqarfiup qeqqa 1C3. sumiiffiup sanianiittup ilaa tassaavoq kujammut kimmut illoqarfiup qeqqa 1C24, kujammut kangimut inissiaqarfik 1A19 aammalu avannamut illoqarfiup qeqqa 1C3 (takuuk ilusiliaq 1).

Sumiiffik sumiiffiup kippasissortaani toqqissuuvoq aammalu kujammut kangimut kote 28 missaaniit kote 22 missaanut uingalaarluni, kangisinerusortaa qaqqajunnaalluni, kangimut kote 38 missaa tikillugu qummukajaajulluni, Aqqusinersuup tungaanut ammuinnaq uingasumiilluni.

Kommunimut pilersaarummut tapiliussap sumiiffiata avannamut kitaani inuussutissarsiortut suliffeqarfii arlaqarput aammalu kujammut sumiiffik "Paassaasivik" sannaviit illutaannik, tunisassiofinnik quersuarnillu kiisalu inaalissuisarfinnik takussaasoqarpoq.

Inissiaqarfiit eqqarsaatigalugit sumiiffiup sanianiittut ersarinnerpaat tassaapput napasuliaasat assigiit marluk.

ilusiliaq 3:

Sumiiffimmi assilisat



*Qulaaniit assilisaq
sumiiffik
nalunaaqutserneqar
simalluni*



1.4 PILERSAARUSIORNERMI PINGAARNERIT


Atorneqarnera

Kommunimut pilersaarummi sumiiffiup inissiaqarfittut atorneqarnissaa aalajangersarneqarpoq.


Illuliassanut pilersaarummiippoq inissiarsuit immikkoortut pingasut quleriinni allit aammalu quleriaat 6-it, katillugit quleriit 7-iullutik. Inissiarsuarni marluk naqqinut kote nunap qaavani 1 meterit missaani qaffanneqarsimavoq aammalu inissiarsuit pingajuanni alleq naligalugu biilnut unittarfeqarluni.

Katillugit illuliassani inissiat assigiinngitsunik angissusillit 60-it missaaniipput.

*ilusiliaq 4: illuliani
titartamerit
tunnngaviusut.*



Illuliorfissamut pilersaarut



Toqqavia Svend Jungep Aqqutaani siusinnerusukkut Jagtvej-imik taagorneqartumi, inissarsuit napasuliaasat assigiit marluk avannaanni inissisimavoq. Toqqavik Nuup qeqqanit 600 meterit missaannik ungasissusilimmi pilerinartumik inissisimaffeqarpoq.


Illut pingasut taakkua nunamut tassaniittumut qanilluinnartumut inissinneqassapput, imminnut nikingasumik inissisimassallutik, taamaalilluni inissiat tamarmik isikkiveqarnissaat qulakkeerneqassalluni. Inissiat tamarmik angisuunik aneerasaartarfeqarput, apummut, sialummut anorimullu oqqartamiittunik.

Qalipaasersorneqarnissai kommune suleqatigalugu aalajangersarneqarput. Ilanngussaq 4 innersuussutigineqarpoq.

ilusiliaq 5

Blokket 3-it taakkua illoqannginnersap inussulianik aamma shelter-imik pequtsersugaasup eqqaani inissinneqarput.

Biilit unittarfii sumiiffinni 2- iniitinneqarput, taamaalilluni illut akorni angallaffiussanatik.



Illut akornanni illoqannginersaq

Illoqannginersaq inussummik angisuumik ujaqqanik sanaajusumik pisatserneqassaaq. Ujaqqat ataani qaarusuk pinnguartarfittut atussaaq aammalu LED spots-inik appassisumiittunik qaammaqquserneqassalluni. Inussuk taamaalilluni ukiukkut taartalernerani qiperukkatut qaamasutut issaaq.

Avannarpasinnertaani isuani shelter angisooq aserujaatsoq sananeqassaaq, iigai tunorliit qaarsuminiupput, qaava issunik qallersorneqassaaq.

ilusiliaq 6

*Titartakkanut
pilersaarut / 3D-
nngorlugu*


*Illulliat nutaat
takisuumik
illoqannginersartaq
arput,*



ilusiliaq 7

*Titartakkanut
pilersaarut / 3D-
nngorlugu*

*Inussuit aamma
shelter*



Svend Jungep Aqqutaaniit isaariaani nerisassanut naatitsivik anginerusoq ikkunneqassaaq, tassaassalluni naatsitsisarfik ammalortoq parnaarneqarsinnaasoq. Naatitsisarfik oqorsagaavoq aammalu nunamik qerinaveersaartitsisussanik kiassaataasunik spiralilersorneqassalluni. Eqqarsaataavoq najugaqartut ataatsimoorlutik salat-inik, tomat-inik, kuuleruujunik, naasunik mamarsaatissanik il.il. naatsitsisinnaassasut. Naatitsisarfiit ammalortut taakkua, seqinermit qinngorneqartarnissai qulakkeerniarlugu, uingasumik kipisaapput.

ilusiliaq 8

*Titartakkanut
pilersaarut / 3D-
nngorlugu*

*"nerisassanik
naatitsivik"*

(naatitsisarfiit)



Nunaminertat illuliorfigineqanngitsut

Nunaminertat sanaartorfigineqanngitsut taamaatsiinnarneqassapput, taamaalilluni qaarsuni naasartut sapinngisamik annertunerpaamik attatiinnarneqarsinnaallutik. Illut tunuanni qaqqajunnap qaavani takisuunik issiavilimmi nasittarfimmut pisuinnaat aqqusinniorneqassapput. Qaavaniit sammivinnut tamanut isikkivigippoq



ilusiliaq 9

*pisuinnaat aqquaat
aamma nasittarfiit
pisuusaartitsilluni
assilinerat*

Angallanneq aamma pilersuineq

Katillugit biilnut unittarfiit 40-it sananeqassapput, taakkunannga 36-it nunami, illutat ilaasa ataatsip ataani biilnut unittarfiit 4 inissaqartinneqarput. Illumik piginnittut ataasiakkaat biilnut unittarfinni immersortarfinnik ikkussisinnaapput. Nunaminertamik atuisinnaatitaasoq sumiiffiup avannaani ujaraaqpanik aqquernup pioreersup inissianut aqqusinertut asfaltimik qallersukkatut nutarternissaanut pisussaaffeqarpoq.

Biilit uninngasarfii

Inissianut pingasuusunut biilit unittarfii marluk sananeqassapput

ilusiliaq 10

*Titartakkanut
pilersaarut / 3D-
nngorlugu*

qulaaniit isigalugu



1.5 PILERSAARUSIORNERNUT ALLANUT TUNNGASUT

1.5.1 Nuna tamakkerlugu pilersaarusionerq

Pilersaarummut tapiliussaq nuna tamakkerlugu pilersaarusionerq naapertuuppoq.

1.5.1 Kommunit pilersaarut

Pilersaarummut tapiliussaq kommunimut pilersaarummut atuuttumut naapertuuppoq.

1.5.2 Itsarnisanit eriagisassat

Sumiiffimmi itsarnisanik eriagisassanik peqarnersoq Kommuneqarfik Sermersuup ilisimangilaa. Sumiiffimmi nunami suliaqarnerni eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq malinneqartussaavoq

1.5.3 Avatangiisit

"Hal aappalaartoq" isaterneqarnera

Isaterisoqalinnginnerani, suleriaatsit nalinginnaasut malinneqartussaapput aammalu sanatitsisoq isaterinissamut akuersissummik qinnuteqartussaavoq. Isaterineq tamakkiisumik pissasoq, kiisalu toqqavia tamatuma kingorna iluarseqqinneqassasoq, piumasaqaatigalugu isaterinissamut akuersissut tunniunneqassaaq. Isaterinissamut akuersissummut piumasaqaataassaaq, isaterinermik suliaqarnermi nipiliortitsinermut pujoralannullu tunngatillugu avatangiisini mianerisassanut malittarisassat sukkulluunniit atuuttut malinneqassasut, taamaalilluni isaterineq sumiiffimmi najugaqartunut, atuarfimmut sullissivinnullu eqqaaniittunut sapinngisamik annikinnerpaamik sunniisussaassalluni.

Aammattaaq piumasarineqassaaq, isaterineq, illuliornermit eqqagassanik passussineq eqqaanerlu avatangiisinut isumannaatsumik ingerlanneqassasut. Illuliornermit eqqagassanik passussineq eqqaanerlu inatsisit atuuttut, Kommuneqarfik Sermersuumi eqqagassalerinermut malittarisassat sukkulluunniit atuuttut kiisalu suliaqaqarfimmi inatsisit atuuttut naapertorlugit pissaaq.

Isaterinissamut akuersissummik tunniussinermut atatillugu Kommuneqarfik Sermersooq saliinissamut iluarseeqqinnissamullu pisussaaffinnik erseqqinnerusunik aalajangersaassaaq.

Illuliornermit eqqagassat navianartut aamma nuna mingutsinneqarsimasoq

Isaterinerup siornatigut, nalaani kingornatigullu avatangiisinut peqqinnissamullu ajoqusiisartunik akoqarsinnaasut, soorlu assersuutigalugu illumit eqqagassani nunamilu PCB, asbest assigisaallu, immikkut sillimaaffineqassapput.

Taamaalilluni "Hal aappalaartoq" isaterneqarnissaa sioqqullugu illutaani avatangiisinut peqqinnissamullu ajoqusiisartunut misissuisoqassaaq.

”Hal aappalaartoq”-mit illumit eqqagassat avatangiisinut navianartutut isigineqarpata, Kommuneqarfik Sermersooq sapinngisamik piffissaqartitsiviulluartumik ilimasaarneqassaaq.

Illumit eqqagassat nalinginnaasumik kommunimi eqqagassalerinermut malittarisassat kiisalu suliassaqarfimmi inatsisit atuuttut naapertorlugit passunneqassapput. Assaanermik suliaqarnermut atatillugu sumiiffimmi mingutsitsinermik paasisaqartoqarpat, Kommuneqarfik Sermersuumi Avatangiisinut Piujuartitsinissamullu immikkoortortaqaarfik ingerlaannaq ilisimatinneqassaaq.

Eqqagassanik avatangiisinut navianartunik eqqaaneq, soorlu assersuutigalugu nuna uuliamik mingutsinneqarsimasoq, kommunimi eqqagassalerinermut malittarisassat kiisalu suliassaqarfimmi inatsisit atuuttut naapertorlugit pissaaq.

1.5.4 Teknikkikkut pilersuineq

Illuliat nutaat pisortat innaallagiamik, imermik, kuuffinnut kiisalu kiassarnermut pilersuinermit aqqusersuutaannut atassuserneqassapput.

Innaallagiamut, imermut, kuuffeqarfinnut kiassarnermullu tunngatillugu pilersuineq, nunap iluatigoortinneqassaaq.

Sumiiffiup iluani pisortat teknikkikkut atortulersuutaat inissinneqarsinnaapput, soorlu sumiiffimmi najukkami pilersuinermit transformerstationit. Transformerstationinik inissiineq Nukissiorfiit isumasioqatigalugit pissaaq.

Kiassarneq

Sumiiffimmi kiassaariaaseq Nukissiorfiit malittarisassaata malillugit aalajangersarneqassaaq. Ungasianiit kiassarnermut piareersaasoqassaaq, nunaminertap killinganut atassusiilluni.

Kuuffissualersuineq

illu pisortat kuuffissuaataannut atassuserneqassaaq. Aqqusersuutit aamma puilasuliat qaavini sanaartortoqaqqusaanngilaq, aammalu puilasuliap matua tamanit tikinneqarsinnaassaaq.

Nunap qaavaniittoq imeq, ilanngullugu illut qaavineersoq imeq, kuuffeqarfimmut kuutsinneqaqqusaanngilaq, kisianni aqqusernit sinaanni kussinilerneqassalluni, taamaalilluni sumiiffimmi illunut allanut, inuinaat aqqutaannut, aqqusinernut aamma nunaminertanut illuliorfigineqarsimannngitsunut ajoqutaassanani.

Imeq sialummeersoq aamma imikoq najukkami salinneqartartoq,
maleruagassat atuuttut malillugit imerterinermut il.il. atorneqarsinnaapput.

Eqqaavilerineq

Sumiiffik Kommuneqarfik Sermersuup eqqaavilerinermik aaqqissuussineranut
sukkulluunniit ilaatinneqarpoq.

Aputaajaaneq aamma aputip allamukaassorneqarnera

Sumiiffiup ilaani eqimanerulernerup soorunami apummik inissiivissat
nunaminertat annikillisitussaavai. Taamaattumik sumiiffiup iluani aqqusernit,
biilit unittarfii, inuinnaat aqquai aamma nunaminertat
sanaartorfigineqanngitsut aserfallatsaaliorneqarnissaat siunertaralugu,
taamaattoqareersimangippat sumiiffimmi peqatigiiffiliortoqassaaq. Piginnittut
peqatigiiffiata tamatumunnga maleruagassat nammineerluni
aalajangersarsinnaavai. Aputaajaanermi aput kangerlummukaaneqassaaq,
containerinut umiarsualivimmi Imapikkoortatinut talittarfiup eqqaanut
imaluunniit Qeqertanut.

Sanaartorfissagissaanermut aningaasartuutit

Sumiiffimmi sanaartorfissagissaanermut aningaasartuutit aamma suleqataasut
akuusut akornanni agguaneq, immikkut akiliisarnermut malittarisassami
allassimassapput.

1.6 PILERSAARUSIORNERUP INATSISITIGUT SUNNIUTEQARNERA

Inatsisigut sunniuteqarallarnera

Kommunimut pilersaarummut tapiliussamut siunnersuut tamanut saqqummersinneqareerpat, nunaminertat, illut aamma sanaartukkat, siunnersuummi pineqartunut ilaasut, illuliorfigeqqusaanngillat allatigulluunniit kommunimut pilersaarutip imaluunniit kommunimut pilersaarummut tapiliussap inaarutaasup imarisaanut sioqqutsisutut isikkoqarsinnaasumik iluaqutiginiarneqassanatik (Pilersaarusiornermut inatsit § 31).

Akerliliissuteqarnissamut piffissamut killissaliusseq naappat aammalu akerliliissutinik tigusaqartoqanngippat, atorneqarnissaa imaluunniit illuliornissaq siunnersuummut naapertuussimappat, kommunalbestyrelse nunaminertap siunnersuummi pineqartunut ilaasup atorneqarnissaanut imaluunniit illuliorfigineqarnissaanut akuersisinnaavoq (Pilersaarusiornermut inatsit § 31 imm. 2).

Inatsisitigut sunniutaagallartut kommunimut pilersaarummut tapiliussamut siunnersuutip tamanut nalunaarutigineqareernissaa tikillugu atuutissapput – taamaattoq siunnersuutip saqqummiunneqarneraniit sivisunerpaamik ukioq ataaseq. (Pilersaarusiornermut inatsit § 31 imm. 3).

Inaarutaasumik inatsisitigut sunniuteqarnera

Kommunalbestyrelse kommunimut pilersaarutip naammassineqarnissaanut sulissaaq, ilanngullugu nunaminertanik atugassiinerni. (*Pilersaarusiornermut inatsit § 29*).

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat, taamaalilluni inatsisitiguunngitsaq imaluunniit kommunimut pilersaarummut tapiliussami aalajangersakkanut akerliusumik pissutsinik pilersitsisoqqaqusaanngilaq. (*Pilersaarusiornermut inatsit § 30*).

Taamaattoq pisuni aalajangersimasuni aalajangersakkani sukumiisuni pingaaruteqannginnerusunik allaassuteqartunik immikkut ittumik akuersisoqarsinnaavoq. Kisianni allaassuteqarnerit pingaaruteqarnerisut kiisalu aalajangersakkanit pingaarnernit allaassuteqartut pissappata, nutaamik kommunimut pilersaarummut tapiliussamik suliaqarnissaq pisariaqarpoq. (*Pilersaarusiornermut inatsit § 50*).

Maannamut nunaminertamik, illutanik sanaartukkanillu inatsit malillugu atuineq maannamut pisartutut ingerlaannarsinnaavoq, kisiannili assersuutigalugu atuineq allanngortinneqarpat imaluunniit nutaanik illuliorortoqarpat, tamanna kommunimut pilersaarummut tapiliussamut akerliusussaannngilaq.

Nunaminertat, illut sanaartukkallu pilersaarummiittut, pilersinneqassasut,
Kommunimut pilersaarummut tapiliussaqaq immiini malitseqassanngilaq.


2 AALAJANGERSAKKAT

Kommunalbestyrelsip matumuuna ”Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq” (Pilersaarusiornermut inatsit) naapertorlugu aalajangersakkat makkua aalajangersarpai.

Aalajangersakkat aalajangersakkanut pingaarnernut aamma aalajangersakkanut sukumiisunut aggulunneqarput.

Aalajangersakkat tamarmik inatsisitigut pisussaaffiliipput, taamaattoq piumasaqaatit aalajangersimasut tunngavigalugit aalajangersakkat sukumiisut saneqqunneqarnissaat akuerineqarsinnaavoq.

Aalajangersakkat pingaarneit pilersaarusiap imarai tunngaviusut, taamaattumillu aalajangersakkat taakkua saneqqunneqarnissaannik immikkut ittumik akuersisoqarsinnaangilaq.

AALAJANGERSAKKAT PINGAARNERIT NUTAAT	
Sumiiffiup ilaani killilersuinerit	
	
1. Siunertaq	
Inissianut atorineqartussaq	
2. Atorineqarnera	
Sumiiffiup atorineqarnissaa inissiarsuarnik illutaqarluni inissianut atorineqartussatut siunertaqartoq	

aalajangersarneqarpoq.
3. Illuliorfik
Sumiiffik inissiarsuarnik inissialiorfissatut immikkoortinneqarpoq. Blok A, B aamma C 7-it tikillugit quleriinngorlugit sananeqaqqusaapput. Quleriinni allerpaaq tassaavoq 1. etage. Inissiarsuit tamarmik ataanni naqqup ataa tamakkiisoq sananeqaqqusaavoq. Illuliat sumiiffiup nunataani inissisimaffia eqqarsaatigalugu ilusilersorneqassapput.
4. Initussuseq
Sumiiffiup annertussuseraa 0,45 ha (4500 m ² -itut annertussuseqarluni) Sumiiffimmi 5740 m ² missaa illuliorfigineqassaaq Illuliorfik procentinngorlugu 127,5 % miss. Sumiiffik kommunimut pilersaarummut tapiliusaaq manna naapertorlugu piorsarneqareerpat, taanna allanut inissaqartitsiviussanngilaq
5. Eriagisassat
(soqanngilaq)
6. Sumiiffiup ilaani isumannaallisaanermut killeqarfiit
Sumiiffiup ilaani mittarfiup eqqaani isumannaallisaanermut killeqarfiit aalajangersarneqarput, naqinnersatut akornusersuutitaqanngitsutut iluseqarlutik, ilaatigut nallarissuullutik, ilaatigut suluunnaasatut iluseqarlutik ilaatigullu mittarfimmut nangissutigalugu timmisartut tikikkiartortarfeqartinneqarlutik aallariartortarfeqartinneqarlutillu. Sumiiffik mittarfimmut akornusersuutitaqanngitsup ataani inissisimavoq, tassani illut aamma sanaartukkat allat kote 127,5 qulaallugu sanaartorneqaqqusaanatik aammalu kote 121,5 qulaallugu aqqusinniortoqaqqusaanani.
7. Angallanneq aamma teknikkikkut pilersuineq
Sumiiffik Svend Jungep Aqqutaanit aqqusineqartinneqassaaq
8. Illoqarfimmi nutarterineq
(soqanngilaq)
9. Immikkoortui
(soqanngilaq)

AALAJANGERSAKKAT SUKUMIISUT
1. Illuliorfiup inissisimaffia
1.1 Illuliat nunap assingani ilanngussami 2-imi takutinneqartumi sanaartorfissami inissinneqassapput
2. Illuliorfiup qanoq isikkoqarnera
Illuliorfik
2.1 Illuliat ilanngussaq 2-imi takutinneqartumi sanaartorfissani sananeqassapput
2.2 Inissiat 60-it tikillugit sananeqarsinnaapput, illutani pingasuni agguarsimassallutik.
Illut saqqai
2.4 Illut silatai Rockpanel Colurs aamma pandeplad-it ataqtigiissillugit sananeqassapput. Igalaat tassaassallutik Velux 200 alu/qisuit. Tunngavia/toqqavia qisunnik qallersuusersorneqassaaq.
2.5 Seqernup nukinganik tigooqqaassutinik inissiisoqassappat, taakkua sanilinet inngianarlutik akornusersuutaassanngillat aammalu illuliassat isikkuannut ilanngunneqassallutik.
2.6 Illup silatai ilanngussat 4-imi takutinneqartutut qalipaateqassapput.
Illup qaavi
2.6 Illup qaavata uinganera minnerpaamik 7 gradiussaaq.
2.7 Illup qaavi qernertuussapput.
3. Aqqusinernut pisuinnaallu aqquataannut tunngasut
3.1 Nunaminertamik atuisinnaatitaasoq, ujaraaqqanik aqqusernup, sumiiffiup avannaaniittup, inissianut aqqusinngorlugu asfaltimik qallerlugu illuttut ingerlavissanngorlugu, nutarternissaanut pisussaaffeqarpoq.
3.2 Inissianukarneq pissaaq Svend Jungep Aqquataaniit inissianut aqqusineq illuttut ingerlavigneqarsinnaasoq innersuunneqartoq aqqutigalugu, takuuk ilanngussaq 3.
3.3 Najugaqartunut, pulaartunut il.il. nunaminertamik atugassiissutit iluani imaluunniit illuliat eqqannguanni biilit unittarfiinik pisariaqartunik pilersitsisoqassaaq. Inissiat pingasuuppata marlunnik biilinut unittarfiliisoqassaaq.
3.4 Sumiiffimmi pisuinnaat aqquataannik atassusiisoqassaaq. Tamatuma saniatigut illuliat tunuanni qaqqajunnamit taseqartumi qaqqisarfiimmut sumiiffimmi inuiaannaat aqquataannik atassusiisoqassaaq. Inuinnaat aqquataata naggataatigut inissisimaffia, ilanngullugit tummeqqat aqqutissat pisariaqartut, nunap qanoq issusaanut naleqqussarlugu iluarsineqassaaq.
4. Nunaminertat sanaartorfiunngitsut aamma sunngiffimmi atortorissaarutit
4.1 Biilinut unittarfiusussaannngitsumik eqqaani illoqannginnersaliisoqassaaq. Illoqannginnersaq qiperugarpalaartumik ujaqqanik inussuliamik ujaqqanik sananeqartumik pisatsersorneqassaaq, taassuma ataa pinnguartarfittut atornerqarsinnaassalluni.
Inissarsuit akornanni isuata illuani shelter ujaqqanik sanaaq issunillu qaliaqartoq sananeqassaaq.
4.2 Inissiat kujataanni sumiiffimmi najugaqartunut naatitsivissat ammalortut inissinneqassapput.

4.3 Nunaminertat sanaartorfigineqanngitsut aamma sunngiffimmi atortut ingerlanneqarnerat aserfallatsaalinissaallu sumiiffimmi piginnittut peqatigiiffiisa ataatsimoorullugu pisussaaffigaat.
5. Teknikkikkut atortut
5.1 Illuliat nutaat pisortat innaallagissamik, imermik aamma ungasianit kissamik pilersuinerannut kiisalu kuuffissuarnut atassuserneqassapput.
5.2 Imikoq pisortat kuuffeqarfiinut ingerlatinneqassaaq. Nunap qaavaniittoq imeq pisortat kuuffeqarfiinut kuutsinneqaaqusaanngilaq, kisianni illunut eqqaanniittunut ajoqutaanngitsumik allamut kuutsinneqassalluni.
5.3 Pilersuinermi aqquersuutit, soorlu innaallagissamut, imermut, kiassarnermut aamma kuuffissuarnut, nunap iluanut assaanneqassapput. Alla aqquersuuteqarfinnik allanngortitsissappat, tamanna aqquersuutit piginnittuanut aningaasartuutaassanngilaq, aammalu aqquersuutinik piginnittoq isumaqatigalugu aatsaat pisinnaalluni aammalu aqquersuutinik piginnittup innersuussutai maleruagassaalu malinneqassallutik.
5.4 Eqqakkanik uninngatitsineq illutat iluanni pissaaq. Blok A-imi aamma B-imi naqqup ataani eqqaaveqarfimmik pilersitsisoqassaaq aammalu Blok C-imi eqqaaveqarfik quleriaat allersaanni pilersinneqassalluni. Silamut toqqaannartumik anisarfilliisoqassaaq, taamaalilluni eqqaavilerisut suliffeqarfiata illutap iluatigooqqaaratik eqqakkat aasinnaassallugit.
6. Nunaminertat illuliorfigineqanngitsut
6.1 Nunaminertat sanaartorfigineqanngitsut qallersuusersorneqarnerisigut kusanartumik isikkoqartinneqassapput imaluunniit pinngortitap ilusaatut isikkoqassallutik
6.2 Nunaminertami immikkut aaqqissuussisoqarsimanngippat assiaqutsersuisoqarsimanngippallu, nunaminertat sanaartorfigineqanngitsut sivisuumik sunilluunniit ilitsivigeqqusaanngillat, tamatumani
6.3 Illuliorluni sanaartorlunilu suliaqarnerup nalaani nunap iluarsineqarnerani, nuna sapinngisamik annertunerpaamik mianersuunneqassaaq.
6.4 Nunap iluarsineqareernerata kingorna, eqqaaniittut illuliornermi imaluunniit sanaartornermi ilaatinneqanngitsut, iluarseqqinneqassapput, aammalu sumiiffimmi qaartiternerlukut qaartiterinermi imaluunniit assartuussinermi siammarterneqarsimasinnaasut tamaasa piarlugit saliisoqassalluni.
6.5 Atortut sinneruttut, soorlu ujaqqat qaartiterinermeersut, issoq, ujaqqat assigisaallu kommune isumaqatigalugu inissinneqassapput aammalu Kommuneqarfik Sermersuumit pigineqarlutik.
6.6 Apummik inissiineq Kommuneqarfik Sermersooq isumaqatigalugu sumiiffiit sukumiisut iluanni pissaaq aamma Kommuneqarfik Sermersooq akuersiteqqaarnagu allanut inissiisoqassanani. Aput inissinneqartoq sumiiffimmi ulluinnarni ingerlanissamut ajoqutaassanngilaq. Tamanna malinneqarsimanngippat, Kommuneqarfik Sermersuup nunaminertamik atuisinnaatitaasup akiligassaanik aputip inissinneqarsimasup allamukaatsinnissaanut pisinnaatitaavoq.
7. Piujuartitsineq
(soqanngilaq)
8. Pinngortitamik illersuinermi soqutigisat

(soqanngilaq)
9. Nunamik atuinermi soqutigisat
(soqanngilaq)
10. Sanaartukkat ataatsimoorussat
(soqanngilaq)
11. Piginnittut peqatigiiffii
<p>11.1 Sumiiffimmi 20A1-1-imi illuutunik piginnittut tamarmik aallartitaqarfigisaannik peqatigiiffimmik pilersitsisoqassaaq</p> <p>11.2 Peqatigiiffiup paragraf 3 imm 5 aamma paragraf 4 imm 4 naapertorlugit ataatsimoorluni soqutigisat aserfallatsaalinissaat akisussaaffigaa.</p>
12. Avatangiisinik atuinermut killissat
(soqanngilaq)
13. Illuliorfik nukissiamik annikitsumik atuiffiusoq
(soqanngilaq)
14. Atuilernissamut piunasaqaatit
<p>Imm. 1: Illuliorfik nutaaq atorneqalissanngilaq:</p> <ul style="list-style-type: none"> • paragraf 3 imm. 6 naapertorlugu biilit unittarfiliortoqariinngippat • paragraf 3 imm. 7 naapertorlugu sikkilnut ilitsiviliortoqariinngippat • paragraf 6 imm. 2 aamma 6 imm. 4 naapertorlugit nuna iluarseqqinneqariinngippat. • paragraf 3-imut, 4-imut aamma 5-imut naapertuuttumik Illuummi nunaminertat sanaartorfigineqartussaannngitsut aamma sanaartukkat ataatsimoorussat pilersinneqariinngippata. Ukiup qanoq ilinera pissutigalugu tamanna ajornarpat, taakkua sapinngisamik piaartumik pilersinneqarnissaat pisinnaanngippat Kommuneqarfik Sermersuumut isumaqatigiissutigineqassaaq. <p>Illuliorfik nutaaq pisortat innaallagissamut, imermut kiassarnermullu attaveqaataannut kiisalu kuuffeqarfinnut paragraf 5 imm. 1 naapertorlugu ilanngutsinneqarpoq.</p>

3 AKUERINEQARNERANI ATSIORNERIT

Matumuuna Kommunimut pilersaarummut tapiliussaq manna, 1A20-1 Kommuneqarfik Sermersuumi Kommunibestyrelsanit akuersissutigineqarpoq ulloq 05.06.2018


Kommuneqarfik Sermersooq ulloq:



Aasi Chemnitz Narup


Borgmesteri

/





Lars Møller Sørensen

Kommunimi pisortaaneq



**Atsionneranut nassuiaat /
Signaturforklaring**

-  Immikkoortoq pilersaaruteqarfiusoq / Delområde
-  Illut pioreersut / eks. bygninger



KOMMUNEQARFIK SERMERSOOQ
 Sanarfinermut avatangiisinullu ingerlatsivik
 Anlægs- og Miljøforvaltningen





Kommunimut pilersaarummut tapiliussaq 1A20-I
 Kommuneplantillæg 1A20-I


Illangussaq I Immikkoortoq
 Bilag I Delområder
 Juuni / Juni 2018
 Uttuut / Mål 1:2000





**Atsioneranut nassuiaat /
Signaturforklaring**

-  Immikkoortoq pilersaaruteqarfiusoq / Delområde
-  Sanaartorfissaq / Byggefelt
-  Illut pioreersut / Eks. bygninger
-  Aqqut / Vejdgang








KOMMUNEQARFIK SERMERSOOQ
Sanarfinermut avatangiisinullu ingerlatsivik
Anlægs- og Miljøforvaltningen


Kommunimut pilersaarummut tapiliussaq IA20-I
Kommuneplantillæg IA20-I

Illangussaq II Immikkoortoq aamma sanaartorfissaq
Bilag II Delområde og byggefelt
Juuni / Juni 2018
Uttuut / Mål 1:1000



Atsionneranut nassuiaat /
Signaturforklaring

-  Aqqusiniliorfissaq / Vejudlæg
-  Illiliaq / Nye bygninger
-  Nunaminertaq niffakunut ilioravit / Snedepot
-  Biilinut iniaaisarfik / Parkering
-  Mistibænki / Mistbænk




KOMMUNEQARFIK SERMERSOOQ
Sanarfinermut avatangiisinullu ingerlatsivik
Anlægs- og Miljøforvaltningen

Kommunimut pilersaarummut tapiliussaq IA20-I
Kommuneplantillæg IA20-I


Illanngussaq III Titartaganngorlugu takussutissat
Bilag III Illustrationsplan
Juuni / Juni 2018
Uttuut / Mål 1:1000

0 m 10m 20m 30m 40m 50m



sungaarteq / gul

Ral 070 70 60 (NCS S2040-Y20R)



aaqaluttoq / rød

Ral 3001 (NCS S5040-R90B)




tungujortoq / blå

Ral 5010 (NCS S5040-R90B)



qasertoq / grå

Pandeplader farve som galvaniseret



qaqortoq / hvid


toqqavik / sokkel
xx / base



qisuk / træ

Soklen / basen beklædes
med træ

igalaat / vinduer



qasertoq / grå

Ral 7011



KOMMUNEQARFIK SERMERSOOQ
Sanarfinermut avatangiisinullu ingerlatsivik
Anlægs- og Miljøforvaltningen

Kommunimut pilersaarummut tapiliusseq IA20-I
Kommuneplantillæg IA20-I

Illanngussaq IIII qalipaata
Bilag IIII Farver
Juuni / Juni 2018